



La natura uffisa

**Ni li urtimi tempi / troppu suffriemmu pi la calura
comu arberghi a 4 stiddri / accattammu cundiziunatura
aumenta la bulletta / accanzammu echiù dulura
giusta è la punizioni / pi aviri uffisu la natura.**

**Ittammu nill'aria / tanti e tanti di ddri vileni
ca lu bucu di lu zonu / cangià nzina li stasciuni
li gas ammorbano l'aria / abbrusciammu foresti e vueschi
siemmu tutti purriti d'intra / jammu cadiennu comu li muschi.**

**In passatu la terra era bbona / si mantinìa ca era n'amuri
tuttu crisciva senza aiutu di nuddru / china era di frutti e sciuri
maturavanu ni lu giustu mumentu / no comu ora ca ci su tuttu l'annu
ni li mangiavamu quann'era lu tiempu / li tasti ora ti fannu già dannu.**

Cu li fitofarmaci su bieddri a vidiri / e doppu tanticchia ti fannu murìri.

**Nzina li ghiacci ca eranu eterni / si vannu sciugliennu comu caramelli
anchi ccà lu disertu avanza / accattari putiemmu già li cammelli
tantu ficimu tantu dissimu / ca ni stammu ruvinannu cu li nosci mani
accussì faciennu chi ci jammu a cuntari / a la prossima ginirazioni?**

Caniattì Austu 2007

Indice poesie: <http://www.solfano.it/treppiedi/index.html>

Pagina principale: <http://www.solfano.it>